


Sr. Narciso Pieters, 40 aña den servicio di Gobierno trahando den Aviacion



ORANJESTAD - Un persona cu no mester di ningun clase di introduccion, ta Sr. Narciso Pieters, kende awe ta cumpli 40 aña trahando den servicio di Gobierno, semper den mundo di aviacion. Un persona respetá pa tur Ministro cu Aruba a conocé, pa su expertisio y conocimiento den e mundo di aviacion.

Sr. Narciso Pieters a drenta servicio di Gobierno di Antiyas na aña 1960 riba 1er di Maart, na Departamento di Aviacion na Corsow como assistent Luchtverkeersleider. Awe Sr. Pieters ta e consehero maximo di Gobierno riba tereno di aviacion.

Nos ta bai repasá en breve su carrera profesional pa pueblo di Aruba por ta testigo di un trayectoria impresionante di Sr. Pieters.

Riba 9 di November 1963, Sr. Pieters a gradua como Luchtverkeersleider y a wordo promoví pa Ass. Luchtverkeersleider 1ste klasse.

Riba 3 Juli 1964, Sr. Pieters a wordo trasladá pa Sint Maarten pa e por a introduci control di trafico aereo.

10 di November 1964, Sr. Pieters a keda nombrá como Controlador General di Trafico Aereo; y riba 1er di Maart di 1966, Sr. Pieters a wordo trasladá bek pa Corsow.

Na 1972, Sr. Pieters a wordo promoví pa Hoofdverkeersleider den cual aña el a sigui e curso di instructor di "Civil Aviation Safety Centre" na Beirut Libanon y fuera un curso di Radar na Inglatera.

Na 1975, Sr. Pieters a keda nombrá como Instructor Maximo di e "Air Traffic Control Centre" na Corsow.

Riba 13 di Mei 1976, Sr. Pieters a gradua pa Aerea Luchtverkeersleider y riba 3 di Mei 1977, a haya bao di su encargo e Luchtverkeersleidingcentrum.

Na Augustus 1978, el a keda nombrá como Hefe Interino di Seguridad di Trafico Aereo di Antiyas, mientras cu el a fungi brevemente tambe como Director Interino di Departamento di Aviacion Civil di Antiyas.

Riba 15 di December 1979, Sr. Narciso Pieters a bin establecé su mes na Aruba unda el a keda nombrá como Luchthavenmeester interino. Sr. Pieters pa añanan tabata forma parti di e comision di examen di Trafico Aereo pa Antiyas. Ademas e tabata cofundador di Air Traffic Controllers Association Netherlands Antilles, cu despues a wordo aceptá como miembro di International Federation of Air Traffic Controllers Association (IFATCA).


Sr. Pieters a duna curso na controladornan di trafico aereo di henter Antiyas, Aruba, Haiti, Jamaica, Cayman Islands y St. Lucia, como tambe diferente pilotonan cu awe ta forma parti di Air ALM su crew. Y asina por mencioná diferente actividad mas cu tabata bao encargo di Sr. Pieters.

E tarea importante ta dia cu conhuntamente cu Sr. C.O. Yrausquin Sr. Pieters a haya e mandato y confianza pa instituí na Aruba e departamento di Aviacion Civil, un tarea cu no tabata facil. Pero cu su expertisio, conocimiento, dedicacion y amor pa su trabao el a desplegá un tremendo labor, pa cual despues a haya e reconocimiento como Director di Departamento di Aviacion Civil di Aruba.

Sr. Narciso Pieters, un homber di un conocimiento amplio pa e materia di Aviacion, a traha di serca cu Difuntunan Betico Croes y Daniel Leo, despues como Consehero pa Ministernan Elio Nicolas, Benny Nisbet, Glenbert Croes, Gilberto Croes Jr. y e Minister actual Sr. Willem Vrolijk. Sr. Narciso Pieters un homber profesional cu amor patrio trahando semper desinteresadamente den interes di pais Aruba su aviacion.

Narciso Pieters na aña 1991 a wordo condecorá Ridder in de Orde van Oranje Nassau.

Awe un felicitacion y reconocimiento especial pa Sr. Narciso Pieters, kende riba 1er di Maart ta recordá cu 40 aña pasá, a drenta den e mundo interesanté di aviacion.



CATOCHI
PRO DEPORTE
5538 7711
3347

Cadena Alexander no. 1 den tur Loteria

DIARIO CORSOW STO DOM

5715	0329	0143
2128	6278	0295
8150	2611	2385



TA PRESENTA
Gana tur dia cu
Bon Dia Aruba

AFL. 950-

yenando e formulario aki cu e 4 cifranan di bo preferencia y deposité den nos buzón paden di nos oficina na Weststraat promer cu 6'or di atardi. E ta hunga riba sorteo di Catochi pro Deporte

Mi number di Suerte pa awe ta:



Number..... Abonado SI o NO

Adres..... Tel:.....

DIARAZON 01 DI MAART 2000 AFL. 950,00